

大廷尉張公輝懿編

下

贊

傳二

行狀

行實別紀

名宦公移

山西

河南

名宦碑

河南

鄉賢公移

卷下

張廷尉先生贊并序

氣與才有二乎哉不可二也有車之有輻箱  
輪轂焉古之聖賢未有釋介而言通者伯始  
之中庸也介不足也北海之氣凌厲一世玩  
弄丞相若兒戲而吏幹乃不足然子瞻之贊  
北海也曰視公如龍視操如鬼蓋士之用世  
也以才而其維持世也以氣氣不稱而但以  
才侈此固通人之所病也袁子曰余官春曹

始知有萊陽張公公自為司馬郎暨以大理  
卿去也當新鄭江陵用事時兩公為政尚綜  
覈補近時賢相而未免以其貴驕抑天下士  
士之挾局幹饒才譖者多破觚以就功名公  
曰吾受性已定豈隨人雕刻者其守開封也  
高簡自持與新鄭意大忤新鄭百計搜其垢  
不能得卒以是竒公江陵為相嚴重其一時  
貴人爭以非禮事候謁皆避輿公入為大理

卿獨不可遂落落不合未幾移病去論者謂  
兩相憚公之氣未嘗不倚公之才故公雖質  
直不阿而猶逡巡致大位公能以其才為世  
之所難而不能以其氣趨世之所易故遲回  
中外竟亦不合而已矣夫士之處世也猶水  
之在川也坦蕩浩渺所之為萬物澤卒焉而  
與石遇則為驚濤為激湍而水未嘗挾以為  
竒也公自為守牧歷邊庭所之以澤物利生

爲心水也忽焉而爲奇節則水石之遭公無  
心也公居官凡歷十餘遷其至也若家興除  
掃剔不遺餘力其去也若遺空囊敝履蕭然  
如退院之衲故所在至今思之嘗攷汴州宦  
蹟自殷微子鄭子產而下公卿牧伯守令之  
有聲者皆得列祀校宮前代凡二十五人近  
代七人而公居一焉是足以觀公治行矣善  
乎余師馮先生言之也唯真忠厚乃能真直  
直余亦曰唯真氣節乃能爲真事業哉公名  
夢鯉字汝化諸名公所爲傳誌道公行業甚  
悉余不敢贅姑述其大節如此余官儀曹從  
公伯子之後伯子才品卓然異日不媿爲名  
公卿者也余退而嘆曰名臣自有門風作張  
廷尉贊

爰有異人叶兆而出匪趾匪角龍首魚服其  
潤爲膏其峙爲棗卧虎邊庭翔鸞郊壤無言

而蹊不鄙而速天子大臣明時真牧赫赫  
公相繼秉軸倚公長城人豈無腹公也守正  
不降不辱道直則行道污則伏汙水之上有  
公遺躅生男爲字聞諱斯哭子啟子產身朽  
名馥更三千年與公昭穆

公安後學袁宏道撰

張廷尉傳

張廷尉者山東萊陽桃花里人也其先家樂  
安勝國時祖海山始徙居焉數傳爲雄雄以  
義民奉

詔褒勞其孫曰相相季子錕娶于蓋是爲廷尉  
父母以廷尉貴季子贈陝西副使蓋恭人恭  
人之娠也副使公夢大魚躍梁上已而廷尉  
生名之夢鯉字之汝化而號之龍池幼奇儁

無他好好書日誦千言應對機鋒駭發稍長  
習公車業之卽墨受詩杜師杜師夢神言詰  
朝有顯者來毋媒已而公負笈造門心異之  
試其文文大佳師避席謝曰吾不如也三年  
學成以第一人爲邑諸生年財十有六耳兩  
邑人爭師友之邑令吳公以名進士宰東萊  
延見鄉大夫問諸生孰優具以公對旣都試  
諸生得公文擊節嘆賞啟之則公也令歸  
自喜能知人尋學使者錄高等予廩食已舉  
乙卯鄉試第十有八人明年成進士所射策  
有外藩繼統語主司懼失

世宗意差次之二甲尋以蓋恭人喪歸六年除  
戶部主事監太倉筦鑰唯謹無秋毫奸闌出  
入者大司農謂公年少而精覈簡之權濟墅  
以副使公喪歸久之除兵部武庫遷職方員  
外郎車駕郎中肄將家子隸武學者騎射韻

鈐各因其材而務適於用往往由武科起家  
以名將稱而嚴杜諸債帥薦賄自公退食門  
可羅雀也太宰楊襄毅公故爲大司馬悉公  
廉遂以知開封開封領州縣三十餘雞鳴起  
治文書謁諸臺使日旰而聽政兩造盈庭片  
言得其要領手且獄諸白事者立雉門外版  
答尋出不問館人而事訖矣廳事間如也邑  
令以贖鍰進斤去之使市穀備歲凶歲時亦  
不得有絲纒饋藏吏以竒羨進杖遣之使籍  
而佐常賦常賦自府而達藩司者第爲易其  
牒以報不復入府藏入府藏者堂下置權衡  
藏吏無所高下其手里甲郵傳汰其浮濫益  
尤水旱蠲租發廩民無轉徙郡道里四達椎  
埋御人之盜易嘯聚亦易逋逃自公爲政苛  
慝不作盜賊伏隱矣周邱宗人萬數扞有司  
文罔月無虛日公謁見有期餉遺有禁廩廩

相戒毋溷張公而新鄭以首揆攝冢宰威權  
震主戚黨知交怙勢力折守相嘗城新鄭城  
百司致餼恐後公尋常遇之至計吏不快於  
扶溝令將鐫職公廷爭之強新鄭無以難也  
遷陝西按察司副使備兵靖邊靖邊居延寧  
兩鎮間與虜庭若比屋新置治兵使者其中  
威儀不具而虜吉囊黃台吉諸部落恠互市  
鬻將輸盟公百勅諸將無浚卒而治吏侵廩  
者死芻粟以時給人樂爲用復以計操從虜  
會會入關見軍帥強禦卒乘競勸色動市如  
約而上無譁間則走險集繕軍卒終日款  
如對敵所築塞垣百二一且朝暮自在一功  
等於首虜大司馬王公遴行邊列功狀上之  
賜金綺而歲市賞不與焉靖邊距延安郡遠二  
鮮師承公勅議建學豐旣廩儲經史督課之  
而從史督學使者廣弟子籍四方學徒聞之

雲臻景附矣

今上卽位覃恩邊臣副使公與蓋恭人所由贈也巳擢山西叅政職督餉通計所部徭賦之數田產與賦合丁口與徭合表其上下籍其出入而以次輸有司有司以緩急輸藩省故時布常無藝徵歛無度長徭賦者悉倚富民而富民因小民倚里魁而小民困公下令小民自入官如開封時法官王辦罷富民與小民歸農所節約不啻數萬金民不逋賦亡命官不以逋賦受責到于今受其賜而海內咸取則焉著爲挈令比及三年聲望蔚起副廷推巡撫山西尋遷江西按察使過開封士民耆艾婦孺簞食壺漿塞路迎勞公泣下也至則懲吏貪墨捕訟師請張民者若干人理案牘積滯雪獄岸沉寃者若干事三月復副推巡撫尋遷山西右布政使而有鑄錢之

役公條議其便否八事錢法行而民無擾兩  
臺以公故督儲曙晰其根株窟穴而鄉所經  
畧後人惡其害已而去其籍屬公爲賦役成  
書公精心計所裒益無畸重輕無漏亮髮書  
成兩臺奏上

上命錄公勞待大用期月卽遷其省左在政  
錢穀出內亦如開封時法未三月而以僉都  
御史撫順天下時畿輔亦議定經制而京北

尹與五道治兵使老抵牾公劑言

諸畫一頭髮爲白請蠲逋八萬金有奇除

橫征十二萬金有在公曰民小息肩矣可以

卽戎簡將吏峙餼給甲兵嚴斥堠信賞而

必罰公曰兵可用主蠻覘知勦有備去而

犯遼兩出師援之俘獲中率

上以公能完勦而更遼蔽翼

詔褒嘉賜金幣增祿一等其勦犯古北寇條

當路塞受賞稱是

會長請爲東虜中行說

惘惘要求無已公

而面數之曾懼已見公

所爲火器若砲墻

飛車之類出人意料會

益懼攢刀結誓不

敢爲邊害而部內多勲

臣戚畹中貴人與

宗黨廬舍備有南陽弘

農之不可問又密

輦轂要路私人請謁關

說狎至迹公嶽嶽

龍于大失望而大帥挾

江陵相重督撫臣

置出其口吻公故兒女

戚不爲之下所召募南兵與北兵皆以力戰

爲功母偏優南而坐食帥內愧且患牽制而

裁順天巡撫之議起遷公副都御史撫甘肅

以示不如薊之貴近也未上召爲大理卿以

示不如中丞之權重也公自念委質事君惟

君之所使之耳遠近要散何擇焉江陵尚綜

覈酷吏以多決囚取寵公平反其疑者大司

寇御史大夫所奏當或加翻異面從之中不

相能也公卿事江陵非禮見不乘輿獨公乘  
輿如故其所親有爲廷平者老憊矣可公優  
假復不以時應給事中某子甲望公意氣不  
得因爲蜚語中公喟然嘆曰吾立朝垂二  
十年名不掛彈事今不去復何爲往吾失新  
鄭歡予靖邊地苦寒不毛逼隣虜款議更始  
安危不再計殆將困我何意有今日夫安知  
江陵之咄我非福也上書言病願歸骸骨出  
里士于三乃予出其後以遺賢薦者  
許公無復宦情矣公之爲戶兵部郎也  
人應爲吏部者衆心儀公而分宜子索賄公  
聞艱然奈何失身不義左使故無遷僉都者  
自江陵始蓋季孟之間云耳而公未爲左布  
使業已推轂及之更數年無加按察使率傳  
合其官公新園亭種竹蒔蔬若將終焉其不  
吝駮進可知也雖官九列義無苟取守開封

相能也公卿事江陵非禮見不乘輿獨公乘  
輿如故其所親有爲廷平者老憊矣可公優  
假復不以時應給事中某子甲望公意氣不  
得因爲蜚語中公公喟然嘆曰吾立朝垂三  
十年名不掛彈事今不去復何爲往吾失新  
鄭歡予靖邊地苦寒不毛逼隣虜款議更始  
安危不再計殆將困我何意有今日夫安知

江陵之

田南下三

昔其後

許公無復宦情矣公之爲戶兵部郎也

人應爲吏部者衆心儀公而分宜子索賄公  
聞艱然奈何失身不義左使故無遷僉都者  
自江陵始蓋季孟之間云耳而公未爲左右  
使業已推轂及之更數年無加按察使率傳  
合其官公新園亭種竹蒔蔬若將終焉其不  
希駮進可知也雖官九列義無苟取守開封

餘俸僅八十金家奴盜之去歸十年治園  
山微具泉石之勝日觴咏其中荆扉棖籬備  
數事而已諸子或嫌太簡公笑曰天佚我  
老而我能全自苦耶書有之既勤垣墉惟  
垂暨茨是在若曹矣三時課家僮服田力穡  
乃亦有秋身貶食省用而周國於無資區區  
鍾釜之粟六戚其之邑人代他邑租庸及東  
人歲供明糧樞府力白上官已其征脫以事  
丐居間則謹謝不能程令五年遷去語人曰  
非公事不至偃之室吾今復見張廷尉矣其  
侍親疾晝夜不解衣冠每被祿賜以不逮養  
爲恨潸然隕涕事兄恭視異母弟慈愛割督  
元田與之子從子如巳子孫從孫如巳孫也  
諸子文行紹繹不衰爲齊名家

舊史氏曰嘉靖以來中國苦虜而邊臣重尤  
莫重于薊遂爲仕宦捷徑自監司至撫督或

不易地不越十年位公孤子孫世執金吾矣  
張廷尉繇左丞拜僉都御史入領棘寺無殊  
尤之擢且移病去素履之往獨行願也其斯  
人與江陵敗二十餘年諸廢斥者用爲口實  
立至大官廷尉卒不自明余以是益賢張公  
也公伯子儀部郎嗣誠矯矯有父風節而文  
藻過之與余善

賜進士出身中大夫河南布政使司右叅政兼

按察司僉事奉

勅督理南直隸屯種倉場驛傳糧儲江防河道  
整飭廬鳳滁和兵備前浙江按察使陝西督  
學副使翰林院修撰

國史官南新市人李維楨撰

明通議大夫食從一品俸符

經筵大理寺卿前都察院右副都御史龍池  
公傳

公諱夢鯉字汝化別號龍池其先樂安人至  
末祖海山避地徙萊陽城芝里雙山之陽數  
傳至義民雄雄生允允三子次日相生贈副  
使銀配蓋贈恭人公其仲子也父夢大魚躍  
上梁而生比負笈從師師又夢神告之曰詰

凡有名卿至其謹伺之質明內符贊師已洒  
然異之及見其文則舌趨然曰是才也明而  
奇吾夢符矣就試輒居首乙未舉于鄉丙辰  
成進士踰年遭母喪服除爲兵部四川司主  
事權許墅關尋以父喪不果往乙丑補選兵  
部武庫司歷職方司員外郎車駕司郎中器  
疑才敏楊襄毅公推與甚厚隆慶改元出  
河南開封知府開封故饒制守匪懈以  
公疆力自任首疏隸人不藉名者  
曰是皆魚肉吾民者也舊牘沉積如山上  
自監大夫諸司所下郡郡下丞貳邑屬者無  
不萬餘紙公剖決如流吏不敢緣爲奸私賦  
或入藩司者擇諸長吏移牒主進毋令溷府  
歲會給放有奇美吏乘間進曰此故事書記  
三之以佐公需者公怒開局內金附計籍爲  
歲會無所取邑令有進贖錢者麾使去曰吾

豈假肺石爲充橐計哉因下令諸邑貯餒備  
賑中土故多盜屬巨寇禦人當置對禁獄幾  
滿公慮生變預命胥史人持一長茅約曰歸  
披聲擁茅上無何賊遂乘間具酒詐謝邏者  
醉囚劫兵出啓圍扉一吏亦醉持茅自竇中  
裁之不得近聞兵來匝墻外顧逡巡不敢入  
日溟懼潰圍公仗劍大呼曰趣入違者斬其  
入而諸囚皆就縛囚有逆者公雖情戮

然時大體不苛小凡議里甲驛遞更繇荒賑  
咸辦而有則守開封三載一切筐篚不外交  
苞苴不內入境內大治尋遷陝西按察司副  
使分巡靖邊時虜新納款議貢市公條議奏  
上悉中機宜邊庾積久守者乾沒至億萬公  
摘發論死釐革虛冒築鎮靖新障百二十里  
部署工役如期告成三載間虜數萬衆環解  
辦受要束公之力居多今

上卽位遷山西布政使司右叅政督課田賦派  
有額徵有期叅互要會諸縣道無敢逋負者  
舊以富民主歲運公私假括羨重困之致倍  
償傾產公乃條官會之議令輸者自投櫝一  
切轉置唯隸役任第募守者若而人入更繇  
百姓若解懸諸省直做行之則自晉始也秩  
將滿遷江西按察司按察使丁丑抵豫章視  
事清理滯牘凡數百俗故健訟訟師故設漫  
語淵上聽因訊得主名捕治之稍衰息甫三  
月再遷山西右布政使兼董鑄錢公以銅非  
晉產也急之則價騰蹇病民條上八事繫爲  
令所鼓鑄大行兩臺論賦役之不均也檄公  
獨從事公夙夜覲筴手畫而哀益之卒不令  
曹史一字與裁也戊寅進左布政使未三月  
而拜僉都御史巡撫順天順天外備邊內撫  
三輔權璫貴戚錯居閭右公絕干贊問民疾

聖聯五道之判平京尹之異意節部院諸使  
之其給歲省徵徭十有二萬蠲逋賦八萬民  
困大蘇已卯二月虜炒蠻寇古北公命裨將  
李如楨等擊破之斬獲甚夥十月東虜土蠻  
等五萬騎犯遼前屯逼山海公奉

詔授遼督裨將楊果等出關夾擊虜遁去明年  
十月虜復糾衆十餘萬聚五日謀不得闌入  
薊突攻遼公復督兵往援軍聲大震前後以

斬獲夾擊及閱師修築功

賜金幣者六

予俸共三級公曰受

上恩渥矣臣鯉敢不竭肝膽效尺寸以報蓋是  
時戚將軍繼光在事宰相大司馬率倚辦光  
公故與肺腑願持議面諍務在相濟有古廉  
藺風如砲墻附敵臺以堅守飛車擁浙師以  
利戰力成遵化鎮城撤枝慎以永保障光未

嘗不心服也尋進右副都御史哭撫甘肅未  
及上

召入為大理寺卿公決法故明恕然志在精幹  
清庶獄與西曹御史臺共執法無間形迹曰  
率丞史辰入晡歸不數月所平反千五百牘  
初公之守開封也新鄭高公在所部公峻潔  
不阿頗相左既而服其廉幹卒不能中以事  
及在大理江陵張公秉國政公不為屈每造

謁輒登輿去議論頗有所拂乃慨然曰吾不  
能徒步勤造請交通賓客若廷尉湯遂也謝  
病歸公為人長者平易豈弟不逆人以詐嘗  
自言居官未嘗陵折一小吏亦未嘗有意斃  
一人杖下也家居十餘載無異寒素訓督子  
弟周贍宗閭喪葬廟祀一秉古禮會心山水  
謝絕世味雍雍于于怡然樂也然性嚴重跬  
步不失軌範里中人不敢干以私有邑宰程

君五年始遷去屬耆老告之曰吾五年於茲  
不睹一字請託者廷尉張公也部使者列其  
行章八上竟不起年六十五卒

天子憫惻賜祭葬卹典加隆子嗣誠乙未進士  
南京戶部主事嗣謨貢生嗣誼嗣諒邑諸  
生以萬曆己亥春王正月念八日奉公葬於  
邑西北旌旗山之陽負壬向丙  
太史氏曰張廷尉為郎署有聲及出守以政

績顯游歷藩臬所試輒效開封府畿輔有破  
虜功入為廷尉多所平反其材如使當大任其  
勲伐豈可量哉不少濡忍一辭而退隱約終  
身以成高可謂有大臣之節矣

賜進士及第嘉議大夫禮部右侍郎兼翰林院  
侍讀學士

經筵日講官記註

起居正史副總裁通家子朱國祚頓首撰

明故通議大夫食從一品休大親王

院右副都御史先考龍池府君行狀

嗚呼哀哉先府君之棄孤也維昔壬辰徂暑

府君中病危不肖孤偕二三弟竟夜叩天請

以身代已而良已逾年健飯復如常乙未不

孝孤成進士以使事歸省蓋日奉府君于亭

山山亭間且周歲衍衍如也繼而以嚴命棒

檄則之留京計曹纔五閱月而府君故疾作

挾日卽世矣嗚呼哀哉生無以盡一日之養  
及沒不獲侍衾篋一切含歛唯二三分任嗣  
誠不孝罪無死所唯是府君束髮登

服官三十餘年備在列卿

自有成典將陳疏待

命而後襄事亦復據次生平徼惠名世作者以  
志不朽卽不孝孤死且不朽矣府君諱夢龍  
字汝化別號龍池按祖志其先樂安人元末  
祖海山避地徙萊陽桃花里雙山之陽居焉  
數傳至

勅旌義民雄雄生允允三子次日相生贈副使  
君錕配蓋贈恭人府君其仲子也副使君夢  
大魚躍梁上實生府君性穎異嗜學總外善  
屬文塾師謝北面則負笈從卽墨師授詩師  
又夢神語戒肅客有顯者至質明府君內脩  
贊師洒然異之已已而試爲文目之舌趨然

曰孺子才至是乎自是群萃爭遜服內交遂  
有聲兩邑間學三年歸就學使者試輒第一  
稱茂才後二年再試既廩乙卯薦鄉書越明  
年丙辰成進士高第初執政擢府君公車對  
將進

覽覆閱之大駭曰柰何以外藩繼統語觸

上恚耶置稍後是科罷中秘選習事爽鳩氏踰  
年歸執蓋恭人喪服除戶部四川司主事權

獲許墅關尋以副使君損館舍不果往乙丑

補選兵部武庫司歷職方司員外郎車駕司

郎中時蒲州楊襄毅公迭掌銓樞推與府君

意甚厚每語人曰張君器疑才敏可當大任

蓋府君翱翔郎署先後幾五年得以秩滿竝

蒙恩兩沐贈封焉隆慶改元出爲河南開封知

府開封故劇省饒錢穀守徃徃以窳廢以黷

染府君疆力自任又損苛細持大體首禡隸

人役不藉名者千餘曰是魚肉吾民者也稍  
稍理舊牘沉積如山立取具爰書銷去之上  
自監大夫諸司所下郡郡下丞貳邑屬者無  
慮萬餘紙狡胥窟竇絕無得緣爲奸繇賦歲  
入藩司者擇諸長吏移牒主進毋令溷府藏  
會給放有奇羨吏故掩覆不還內候退食間  
白故事書記主之以佐公需者府君榜笞之  
開局內金附計籍爲歲會邑令有進贖緩者  
麾使去曰守豈假肺石爲克橐計哉因下令  
諸旁邑貯緩備庾賑中土故多盜屬巨寇禦  
人當對鞠禁獄幾滿府君慮生變集胥史人  
置一長予約曰聞鼓聲擁矛上會以賓士出  
爲增邏卒返將罷盜具酒詐謝邏者醉因劫  
兵出啓園扉一吏亦醉持矛自竇中截之不  
得近闔兵來匝墻外顧逡巡不敢入日暝懼  
潰圍府君仗劍往令曰阻者不從入者吾劍

將斬矣衆擁入盜伏誅府君爲政凡三年議  
里甲議驛遞議更繇議荒賑種種惠及民者  
未易更僕獨戴星出夜分始入庭無留牘一  
切筐篚不外交苞苴不內入此其尤大彰明  
較著也會人

觀父老度當遷遞道蔡號枳車過巷市竟日始  
成行時新鄭新柄用攝銓事其家食時府君  
夫歲時問又以不表楔不狗請寄大望之欲  
中以陰事百計垢索不可得顧悉得其治狀  
嘆息曰守廉幹乃爾扶溝令王大用爲新鄭  
同年生所翹諸司俱察廉獨新鄭持不可藩  
臬大夫咋舌退府君力白其無它新鄭目攝  
曰若畏甲第郎官乎第薄斥之時大用不在  
事府君不使知也選人採輿論擬遷陝西督  
學副使新鄭陰易之得靖邊靖邊朔方沙漠  
地斗入虜居又新議貢市一切制馭安危機

不容再計府君所爲條議督撫輒奏可蓋三  
歲市虜營廬間數萬衆環匝解辦受約束卽  
市權文市賞不費縣官金繕事聞虜賜金有  
差邊庾積久守者乾沒至億萬府君摘發論  
死遂著會計令取陳定額虛冒盡釐虜尋盟  
久

廟議急脩守同斬獲功府君築鎮靖新障百二  
十里部署工役各如法登仍起矣及期告成  
兵曹使者覈之

金俸一級邊人子弟茂秀者舊籍延州學  
軍遠十舍苦繭足中廢府君議起學官親飭  
爲議假學使者廣收額試卽踈謬不至斥邊  
人彬彬興文學待歲適貢比內地焉閱視大  
民三公遴以卓異薦聞謂可當開府任會今

工部位下

圖書畫裝異再

重國獲

請封如令辭云新鄭謝事歸始遷山西布政使  
司右參政督課通省田賦府君簿計增除派  
六額徵有期參心請會諸縣道報歲成即善  
通官如石樓屯田罔敢後舊僉編戶富者主  
歲運公私假括羨重困之致倍償傾產府君  
乃條官會之議令輸者自投櫝一切轉置唯  
隸役任第募守者若而人入更繇百姓若解

懸諸省直做行之則自晉自始也秩幾滿即已

副惟山西巡

江西按察司按察使

丁丑抵豫章事執清理滯牘凡數百俗故  
律訟訟師故對復語溷上聽因訊得王名捕  
治之稍哀息再遷山西右布政使

黃鑄錢府君以銅非晉產也急之則價騰躍  
病民所條上八事絮為令所鼓鑄文質周郭  
大行矣兩臺論賦役之不均也檄府君獨從

事爰夙夜覲筴手畫而哀益之卒不令其父  
一字與裁也書成屬

詔定經制兩臺輒具成書

天子嘉悅旌爲諸道志前後任藩司幾四年化  
政不具論論其大者戊寅進左布政使夫三  
月而拜順天巡撫之

命矣蓋猶僉都御史秩也先是府君  
再卒不致尺書請

容遂卽真何更副爲府君謝不敏以故逆還  
藩臬盡且僉都御史也順天分備邊內撫三  
輔權璫貴戚錯居閭右府君絕干贊惟日問  
民所疾苦會經制未定于是聯五道之判平  
京尹之異意節部院諸使者之供給歲省銀  
徭可十二萬有奇又亟

請歷年逋賦八萬蠲之民困大蘇矣己卯二月  
虜炒蠻寇古北邊以裨將李如楨等徼破之

生禽十五斬二級馬駝夷器稱是捷圖

賜白金三十文綺二十月東虜土蠻等五萬騎  
犯遼前屯逼山海會有

詔援遼府君馳往督裨將楊栗等出關夾攻之  
捷首虜虜畏薊兵遁去

賜白金三十文綺二又特

予俸一級明年十月虜復糾衆十餘萬聚五日  
謀不得闌入薊突攻遼府君復督兵往援之

軍聲大震

上復加

賜白金兩鎰文綺二前後並以閱師修築功

賜金幣者六

予俸共二級府君嘗曰受

上恩渥矣臣鯉實無尺寸報蓋是時戚將軍繼  
光在事宰相大司馬率倚辦光得狎主軍政  
府君故與肺附顧持議則面赭爭如虎有古

廉藺風如砲墻附敵臺以堅守飛車擁浙師  
以力戰力成遵化鎮城撤慎伎以永保障光  
卒未嘗不心折服也耳視者病牽絀議裁順  
天巡撫辛巳府君改甘肅巡撫右副都御史  
未及上

召入爲大理寺卿既

陛見宣言廷尉與西臺御史臺共執法何知形  
迹論不當者輒反之強盜論報即棄市會盜

數十驗治贓物多誣服府君一一傳疑讞治  
者無所拒久之報纍纍斃獄中矣府君決法  
故平恕要在精幹清庶獄日率丞史辰入傍  
晡歸不數月所計弊登中者千五百牘時江  
陵相貴倨甚所拔士至公卿候謁避乘輿府  
君內慚非禮江陵又矯遜輒登輿去江陵輒  
啣之又都給事某望府君以監大夫入無愧  
贄佯稱張廷尉廉陰受相旨嗾言者府君毅

然曰吾不能徒步勤造請交通賓客若廷尉  
湯也遂移病三疏廼

賜告府君仕宦三十年不門家歸無異寒素率  
拓新田躬服穡代食計稍贏則以贍宗族閭  
黨貧者不問也暇課子弟讀書或竟日會  
心山水間蓋十餘年行部急推轂剡八上廼  
不復有心於世矣縣大夫非公事不見無一  
干以私有程候五年始遷去屬耆老送者

之曰吾五年于茲不睹一字請托者廷尉非  
公也府君性嚴重跬步不失規範顧與人則  
恂恂有豈弟心中表疏屬以紛難告事可出  
出之不可者各令厭其意卽薦數來卒不拒  
居恒不識機械巧窮鞠人人或懷詐欺輒先  
覺覺又未始輒發之及改慮則相忘如初府  
君嘗自言居官未嘗陵折一小吏亦未嘗有  
意斃一人杖下也其爲人長者類如此且至

性獨篤于人倫喪葬廟祀一秉古禮每被祿  
賞念不逮二尊人養輒泣然泣下也恭事兄  
西塾君終身無違言遇猶子卽子諸從孫卽  
孫也異母弟幼一歲而副使君沒則爲析腴  
產擁護之不遺餘力皆孤母恭人相莊白首  
無說輒也斯所謂天性者矣嗚呼府君治郡  
類黃霸旬宣節鎮類召虎方叔及爲廷尉則  
大難張釋之于定國彼方召出入卿士終周  
宣之世釋之一廷尉且十八年霸定國俱丞  
相猶言霸功名損于治郡時以府君涉試  
國家錢穀甲兵刑名諸大計如示諸斯度才德  
所暨鄉使大柄用其勲伐可勝道哉一爲廷  
尉不終歲輒請去優游田野適矣而年未杖  
國奄忽棄人間世嗚呼豈所謂天道者耶府  
君日討孤輩而訓之丈夫肩國家清慎勤三  
事而已勿驚爲名高嗚呼府君回自道則可

謂云爾已矣孤輩將以巳亥正月二十八日  
奉府君葬于邑西北旌旗山之陽從府君所  
自卜阡也不孝嗣誠是用刻心瀝血布狀則  
唯

大君子有賜言生卒子姓婚氏具如左

府君生于嘉靖十二年六月十五日未時卒  
于萬曆二十五年四月二十八日丑時享年  
六十有五配宮氏累封恭人子四人長卽不

孝嗣誠娶訓導李祖植女嗣謨選貢生娶紀  
善李縉女嗣誼邑諸生既廩娶運使趙垞女  
嗣諒邑諸生娶都御史孫旬女女二長適進  
士陳憲子廩諸生誼次適左都督戚繼光子  
安國甫有家而孀孫子三載徵聘御史左之  
宜女嗣誠出延徵聘諸生李燦女嗣誼出庶  
徵未聘嗣謨出

不孝孤嗣誠泣血稽顙謹狀

行賞別紀

府君領諸清乙卯鄉薦第十八名時年二十

有三蓋十六即已舉博士第子首邑侯吳公

以甲第初嘉政延問茂才吳等者鄉經新具

以王生某對會季試得府君卷大賞曰是必

某生及唱名驚顧感惶安得此少雋也者此

解魁選也時延入屏舍課業爾時邑庠幾三

十年不一第自府君第後而後繩繩繼武有

如今日也中興文運豈偶然哉不肖孤嗣誠  
後三十年舉萬曆乙酉名第相符且齒相若  
也豈非詩君餘蔭耶府君舉於鄉之明年爲  
嘉靖丙辰上春官有一里中長老京寓者一  
夕夢神語而鄉應薦者兩人少年者當先第  
數似五老人報兆後果第會試一百一十五  
名殿試二甲五十七名一符神語合狀列二  
事當知府君起家非凡神異乃爾定科廷策  
上親製問進呈卷將

親覽府君與焉宰相覆閱之有外藩繼統語大  
駭曰幾蹈不測置稍後有

詔罷中秘選遂視事秋官待銓次人惜其文學  
未竟試云辛酉授戶部四川司主事時年二  
十有九理太倉銀庫嚴局鑄慎出納有治聲  
壬戌差許墅鈔關還里覲省會執贈君王父  
喪不果往王父病作府君躬侍湯藥衣不解

帶者浹旬哀毀骨立及葬窘陰雨府君扣頰  
祝天日中忽晴霽四方觀者大悅咸頌孝感  
先是府君佐計聲籍甚太宰楊公及同里諸  
大老其推轂擬改銓部郎尋以制歸是時嚴  
分宜用事顯秩要司悉出其門下府君絕造  
請無半面交介特自守蓋筮仕而已然矣乙  
丑府君復除兵部武庫司主事以望調也丙  
寅遷職方員外郎車駕司郎中職方提督武

學府君躬課試習技較稅閑以將畧以故諸  
弟子員彬彬以武第起家如謝天祐者若而  
人樞曹介冑進身地債帥胄子往往交私諸  
曹郎顧金錢轉相推引府君三任且三歲日  
出視事署中退杜門私第門無謁者家故清  
約至資斧不自給意澹如也開封中州劇郡  
守者多不勝任以非府君才不可輒叙遷是  
時府君年未疆仕歸葬余伯父西塾君少年

金紫里閭榮之開封古南衙宋包孝肅聽政所也會省煩劇多巨盜諸郡大獄疑未當者咸委決焉太守晨出謁諸臺日晏歸始視事聽訟每至夜分憊矣府君則恢恢游必有餘地也所計獄親取具爰書面論罪案吏綴招牒受成事而已以故失乾沒多亡去府君爲增旣原顧持法廉平生盜必詳詢賊証及他獄必得情而務矜赦之人無誣服隸沒奉追

攝置簽樸滿不報不再遣仍記籍按期考成焉案牘無留先是沉滯者盡銷去蓋政有規條顛如此以至取與嚴于一介中州孔道冠蓋相望府君絕餽摯無境外交自律則餘羨贖緩之顛日盈鉅萬不屑也三載覲歸僅餘俸八千金置榻上爲臧獲守者竊去嘗語孤車曰今世吏人矯矯却一餽已稱廉夫鉅萬在前操舍在手不動心不疚志者乃真廉吏

也中州士氓今去後三紀嘗見思猶憶府君  
由江臬過晉藩道延津境上居民擁輿歡呼  
此吾召父張公也卽古稱循良何讓焉其他  
改蹟狀具矣隆慶辛未府君入覲遷陝西靖  
邊兵備副使北地苦寒方春無蔬盛夏無果  
逼隣虜穴又款市新盟禍變叵測狀所謂高  
相脩邇故遠投難任之府君則曰仕宦懼名  
實不著宦地不惡也往受事殊無幾微不自  
得後累遷祿食厚嘗莞爾語此何如飲范老  
關頭水煮大菽脫粟飯耳如飴也所撫吉囊  
黃台吉諸部每歲監紅山市虜數萬環列帳  
前府君爲設標引稽出入商勿給虜虜勿疆  
易貢撫務相當勿濫費金緡虜衆帖然市已  
上狀

天子賜金勞之以至成城築塞建學清餉諸大  
政貽疆場永休者府君力肩之矣督撫直指

使者及闕師大臣咸以開府首薦譽望大起  
難固易之實惟府君才本敗之而實成之會  
之適也如此夫脩邛何爲者哉今

晉陽保障

上龍飛爲萬曆癸酉高相斥去太宰楊公方在  
病將趣裝顧語選司靖邊兵備某一勞于守  
再勞于邊六載獨賢大夫不均之過也晉陽  
叅藩其用某叅藩督理糧課府君謂昔人保  
障豈其朘國賦益之耶乃裁濶狹務與民休  
息不以催科繩長吏而增除稽派法簡而核  
諸郡縣報歲事繼相屬也行部使者猶以專  
職非大賢任時檄署苛嵐河東諸道與其省  
方飭憲政府君亦時時從事諸部未嘗雍容  
省會自暇逸也乃聲名愈益重中外薦紳共  
相推引之矣乙亥府君副推山西巡撫丙子  
秋叅政秩幾滿將奏最尋進江西按察使府  
君愀然曰幸徼博一三代封報祖功主爵者

江右澄清

不少旬月待余豈汲汲自顯庸哉丁丑抵豫  
章首禁貪墨懲刁頑清理滯牘下郡吏按期  
切責閱月報完至數百摺察官少待次者衆  
不終歲輒移去府君安意任事暇闢衙舍隙  
地汰瓦礫盈尺視亭顏有斐曰柰何無此君  
遂植脩篁種嘉蔬不知其爲何舍也凡三月  
復副推巡撫無何而又有山右右轄之轉矣  
是役也先後兩以望推復兩以資轉且叅知

幾滿矣而復遷去此豈有所爲藉依附者哉  
直道事人府君有焉藩臬諸司獨右轄事簡  
稍閑適每數日一升座椽吏執公移喏喏管  
前置判而已府君在事則鼓鑄泉幣纂賦役  
定經制狀具頗詳蓋腴國式民務殫厥心不  
謂詒我肄也期月有成遂轉左布政使左轄  
錢穀之會居者彙潤而家溫府君曰腐鼠惡  
嚇予哉出內餘羨附計籍一如守開封時

一切公費班價之類委吏主之不公一名錢  
以至均鹽鈔分祿糧興利釐弊真無負岳牧  
任乃未三月而以巡撫順天行是時江陵相  
喜更制以左轄轉僉都御史纔西人乃自為  
按察已再推而左右藩伯且滯滯載餘也則  
惟府君為然矣薊門肘腋

輦轂疆場之事朝發夕聞且屬夷出入叛服則  
撫剿之難問右權璫錯居軍民雜處文武要

吏聲力倚抗則調劑之難此非建牙省會總  
攝諸司取自尊適者比也府君精嚴執大要  
不激不撓百姓困逋賦為請蠲六萬有奇所  
裁省均絲驛傳里甲合之幾十二萬畿民解  
懸蓋經制一書京尹有異意五道無畫一日  
削牘叅駁裒益手胼心瘁凡三月鬚半白矣  
時年纔四十有七也以至恤版詎之役定營  
衛有司之禮平爭持之訟立勾捕之法勵將

士慎斥埃簡噐試師諸所厝注更僕未易數也府君嘗曰中丞握重權畢力封疆一切興除何所不快意何哉日飾文言條上便宜博精幹譽又輒行輒罷也我則不能其勤修實政不驚名高類如此屬酋長昂鷲鰲與東虜有連時嚮道又要賞竊舉捕戍卒數為邊害府君諭以威信謂天朝至仁豈少甘陳一旅師耶前方建敵臺守備甚設獨火噐舉臺上

自高臨下無能射疏及遠府君為增砲墻平發可薄數百千步虜窺之嚙指震伏不敢動又浙師步伍無鎧衣恐不格虜馬遂坊車營制創飛車車可單力轉經山阪崎嶇便挈而趨上下置長矛四中載火噐前陰板蔽矢石戚大將軍擁出塞耀軍士虜視轍跡大駭曰謀使詭言車營不踰險今柰何飛度耶自是昂會益畏威叩關悔罪府君臨邊障面懾之

曾負過懼誅不寒而栗攢刀永誓受約束乃  
爲請撫賞如初曾復妄覲累年所罷者則斬  
弗予也是時薊十餘年不被虜土蠻歲大糾  
部落會中達謀犯薊諸會長畏薊城守嚴出  
入率弗利每逡巡前却聚數日復犯遼遼數  
苦蹂躪

廟議薊師東出聲援犄角以故己卯庚辰兩歲  
間府君聞警輒馳赴山海關躬擐甲退虜衝  
虜復畏薊兵輒引去遼寧前前屯諸堡得無

陷

上念收保同斬馘功下

詔褒予金綺甚厚又多薊勞加

賜府君俸

恩至渥也其他驅勦零寇繕扼塞臺牆被功賞  
不具錄云辛巳春府君撫薊越兩暮復進巡  
撫甘肅右副都御史以議裁順天南贛兩開

府故也府君受簡書輒戒僕夫曰其鎮漢張  
掖酒泉地孤懸萬里

主上付託甚重何憚遠征班定遠何人哉將傳  
遽西會

召入爲理卿縉紳相知者爲道相君雅知公故  
薦引乃府君殊不自憚私語孤輩曰此非知  
己之難難于受者生平不習掩阿能何能濡  
足權門纖趨而進也孰與楊玉門調議

講惟賜宴  
斷匈奴臂之足以明得意乎是歲五月入都  
陛見視大理事今

上方嚮文學日昧爽御

旃厦儒臣橫經啟沃府君以正卿得人侍  
天顏咫尺每罷講

賜宴于

文華殿歸向家人道

天子神聖狀分餼餒瀝未嘗不額手

恩遇之隆也時府君年始艾容儀都雅出入禁  
中諸貴近日備之至暱就內交府君輒莊拒  
之不屑已大理職評駁西曹御史臺具爰書  
來就讞府君庭詢庶慎推比必以情不當者  
輒反之丞貳問爲言故事覆案飾觀聽而已  
詳則論當否否則反多反則難乎爲主文者  
府君毅然曰吾知有法在 服且司寇

嚴公故爲廷尉時豈以平反爲非職乎又曰

率僚屬參閱諸省獄辭辰入晡出

輒數十 僚屬頗懼之 老

氏者 鍾來任嘗私謂

未嘗失長者意廷評意自

君曰舅氏老可念徼公優假府君尙未知爲

誰氏也其與人徑直不阿比多顛此江陵相

故貴倨又自多薦引勞一時列卿爭奔走稱

門下士朝房白事出候揖入輒擁空輿尾趨

長安市上數十步乃乘府君慚非禮輒登輿  
去江陵側目大啣之府君曰吾嚮者固知有  
今日且自諒終不能以祿位事人吾歸矣三  
疏請

告得

逸老  
賜還里府君宦遊三十年猶尚敝廬數椽也所  
累俸錢多買山田耽泉石之勝亭山負北廓  
山之陰峭壁迤邐東西二里許河流環其下

府君於絕壁闢洞屋方丈傍溪築亭池手植  
松卉果蔬日盤桓觴咏其間周垣但繚以踈  
籬久之籬敝孤輩請更以垣府君曰造物佚  
我以老吾意嘗在華林林水間耳豈必金谷  
哉嘗治室十餘年不完以語孤輩天道忌盈  
世界缺陷吾以留其餘也丹雘蕤茨汝輩其  
任諸府君居恆即澹然貨利間乎然好明農  
廣樹藝穡事成來止諸場圃納禾稼仙仙如

也歲入供饘粥稍贏則推以食貧者中表疏屬待之舉火每數十輩遇大侵指囷而授之粟曰若來食吾不以踊貴轉貨貲為也先是邑百姓苦代輸平糶賦邑子姜進將入奏府君時任民曹輒為草

事者

得釋去及為大理議東省明糧歲解樞府者不急宣蠲遂請之大司馬吾邑得歲省若干鎗蓋自登仕以至里居凡可為桑梓計弗愛

膚髮其自律則毫無以侵損于人里閭感誦

府君不任受德乃若沾沾私惠小智于鄉曲

之譽則耻為之府石性凝重峻潔至與人則

溫厚坦易無裝寡小大無敢慢遇事疆毅敢

任而周詳審慮無敗幾也生平不苦言人過

卽服官辨材見有隱慝嫚語輒芟去動容周

旋必以禮雖私褻燕居未見有嬌客以故鄉

人知與不知皆敬愛之里居十餘年撫中丞

自李公戴而下御史自吳公定而下若干人  
咸纍纍尉薦于

朝乃府君仕宦不知有家家食復不知有仕宦  
間作一顯貴人書則閣筆不成者累日曰吾  
性不耐是也其難進易退凜凜大節又如此  
府君不矜文學課孤輩講執則言言抉性命  
之奧嘗謂世人舉業致功名道學標門戶  
舉業所叙述者孔孟之言也舍孔孟而

學哉不名爲稱詩而間有咏唵直逼盛唐

灑翰輒能作晉人書法然未嘗以能書自命

也蚤起晝燈盞燈夜分始寢孳孳矻矻興事

見功終其身如一日謝太傅常自教兒府君

有焉孤輩日奉訓循勉步趨不逮萬分一嗣

誠不肖卒能成進士嗣謨嗣誼鄉貢里選皆

第一而季諒醇謹嗜學資充足嚮進也則惟

府君貽教以有今日哉嗚呼疊疊訓言嚙在

其耳日邁月征勉之前途慎旃哉孤既已爲  
狀列其行事而漏佚者語焉弗詳者又編類  
繪圖分揭于屏總各行實別紀用以藏之特  
廟傳之子孫然據其生平業履猶之存什一  
于千百也昊天罔極不啻其口嗚呼痛哉

不肖孤嗣誠

嗣謨

嗣誼

嗣諒泣血稽顙

太原府爲公舉名宦以隆祀典以愜輿情  
事蒙

欽差提督學校山西等處提刑按察司僉事周  
批據本府儒學廩膳生員王三顧王國  
祥周天德楊大復本縣儒學廩膳生員馬  
厚李爲圓王之遵李溥貢生陳德溥張來  
韓重臣曹宗顏等呈稱有原任山西糧儲  
道叅政後陞本省左右布政使張諱夢鯉

山東萊陽縣人嘉靖丙辰進士才諳震世  
道德禔躬正大光明獨抱恂恂雅度忠誠  
渾朴久蜚赫赫英聲吐哺握髮勤施掣電  
鳴雷應事往來三晉前後數年允爲社稷  
臣丕隆朝野之望特重股肱郡耑膺錢穀  
之司敷政寬平宅心長厚丈地土則一勞  
而永逸清文冊卽百弊而盡除食則足兵  
則強是豈尋常之可比民稱安物稱阜不  
爭尺寸以爲奇萬物得所爲期庶績其凝  
乃效若推志伊尹惓惓於水火之民如傷  
比文王急急然饑溺由已念赤黎之膏血  
半費羗夷思天地生貨財不支給用實倉  
廩克府庫永垂樂利之勲薄稅斂易田疇  
大享豐亨之慶一時文武兼資之長策本  
末不紊萬世公私兩足之良圖緩急有賴  
年已深而思彌切事則久而論愈定况開

封已祀名宦而原籍又入鄉賢真無忝於  
往喆之風輿情共與卽竝列乎先民之上  
祀典有光等情蒙批仰縣行學查明公報  
蒙此已經備行本府儒學會同縣學從公  
查報去後續據兩學回稱行據廩膳生員  
王三顧周天德楊大復王國祥李溥李爲  
圓王之遵楊楫等貢生陳德溥張來等各  
結查得原任山西糧儲道叅政張諱

於萬曆元年十二月內到任五年七月內  
陞本省右布政六年八月內陞左布政本  
年十二月內陞順天巡撫右僉都御史後  
陞甘肅巡撫右副都御史後陞大理寺卿  
該兩學勘得本官珪璋德器黼黻才華總  
理糧儲百年垂保釐之惠提衡方岳三晉  
仰康阜之猷芳聲久而常新善政昭然不  
朽丕樹斗山之偉望宜分俎豆之餘榮今

准行查擬合回報等緣由到縣准此該本  
縣知縣梁之垣看得本官海岱鍾英斗山  
隆望偉略出於積德造福四方累任究其  
鴻施垂恩三晉均糧丈地萬民享安富之  
休開局鑄錢百世受久長之利敷政不寬  
不猛懋著旬宣成功足食足兵與河保障  
口碑猶在尸祝允宜旣經兩學公報前來  
似宜准從相應申請合無候詳允示將本  
官置主擇日迎送府學名宦廟內以崇祀  
典惟復別賜定奪卑縣未敢擅專等情具  
申照詳蒙批祀典隆重敷訪宜公仰府再  
細查確報蒙此帖行本縣即將名宦張諱  
夢鯉入祠一節逐一細加覈訪的確申詳  
本府以憑轉報奉此隨行本縣儒學覆議  
公報去後今據該學回稱會同府學查得  
本官儲精東海建績西汾激濁揚清其仰

匡時之畧興衰起敝永垂經國之猷事無  
論其顯微恢恢乎迎刃而解聲丕隆於中  
外燁燁然愈久不磨矧原籍已祀鄉賢而  
開封又人名宦宜祀盛典大愜輿情牒呈  
到縣據此看得本官德器純全鄉曲評高  
月旦勲猷卓越仕途望重斗山裕國安民  
四境日棠蔭滿興衰起敝百年保障功垂  
人心彌久而彌思公論愈覈而愈定旣經

兩學覆訪的確回報前來覆查無異似宜  
准從合無請乞本府裁酌轉呈允示照例  
置主擇日迎入府學名宦祠以崇祀典卑  
縣未敢擅專等緣由具申本府據此該本  
府署印同知董大化覆查相同看得本宦  
震世殊品不朽名賢督餉清戎經畫周百  
年之計剔奸釐弊藩屏樹三晉之型勲猷  
茂著於當年朝野之推服無異議思慕更

切於去後士民之感佩有同心論已定於  
蓋棺理應追而崇祀無忝盛舉允快輿情  
既經該縣查議前來相應呈請合候詳示  
脩行該縣將本宦置主擇日迎送府學名  
宦祀內以崇祀典緣係批仰查報事理本  
府未敢擅便理合具呈伏乞照詳施行隨  
蒙

欽差提督學校山西等處提刑按察司僉事周

批據詳本宦氣古剛大才裕特盤

在在蜚聲而居晉尤懋于宜其績德

人故破而督糧允垂永賴之休業久人

于由豈應反缺于西土雅行縣置主送

入名祠崇祀繳蒙此仰縣即將名宦

請 禮遣主擇日迎送府學名宦祠內以

崇祀典具擇行遺緣由申府以憑轉報施

通志卷之三十五 年表月二十三

太原府儒學歷代名宦姓氏開後

計開

陶唐 司徒契

有虞 虞官伯益

秩宗伯夷

典樂后夔

周 大夫董安子

大夫尹鐸

漢

大中大夫前并州牧郭伋 茂陵人

左馮翊前太原郡守張敞 平陽人

并州刺史朱博 杜陵人

并州刺史蘓章 平陵人

并州刺史周舉 汝陽人

關內侯太原太守鄭昌 泰山人

太原太守劉瓚

聞喜令陳實 潁州人

魏

并州刺史梁習 陳郡柘人

尚書前并州太守陳泰 許昌人

廣武侯前并州刺史劉琨 魏昌人

光祿大夫前振威將軍并州刺史魯芝

郿人

并州刺史段韶 武威人

并州司馬王晞 北海劇人

并州總管司馬皇甫誕 安定烏氏

并州刺史辛公義 狄道人

并州司馬張祥

唐

同平章事前檢校并州長史婁師德 原

武人進士

兵部尚書前潞州刺史姚崇 硤石人

右丞相前上黨尉宋璟 南和人進士

檢校并州長史張說 洛陽人

平原太守前蒲州刺史顏

河東節度使兼雲中太守李光弼 柳城人

汾陽王西京留守前河東節度使郭子

儀 華州鄭人武舉

宰相前晉州刺史房琯 河南人

平章事西平王前神策行營節度使李

晟 臨潭人

河東節度使馬燧 扶風人

行營副元帥渾瑊 鉄勒部人

河東節度使柳公綽 華原人

檢校并州總管劉世讓 醴泉人

并州大總管府長史竇靜 平陸人

并州都督李勣 離狐人

并州都督張公謹 繁水人

并州道監察御史韓思彥 開陽人

兵部尚書齊國公前檢校并州長史魏

元忠 末城人

并州司馬韋安石 萬年人

并州長史崔神慶

并州都督長史王峻 景城人

宋 丞相魏國忠獻公前知并州韓琦 安陽

人進士

御史中丞前知大通監兼交城令呂誨

開封人進士

丞相文定公前代州知州張齊賢 曹州

丞相康國獻肅公前并州帥韓絳

相州人進士

同知樞密院事前并州帥韓縝

相州人

工部尚書懿敏公前知太原府王素

魏

州人進士

太子少師祁國正獻公前知并州杜衍

山陰人進士

丞相韓國文忠公前將作監丞關决絳

郡富弼河南人

叅政質肅公前知太原府唐介

江陵人

進士

叅政文正公前河中府通判范仲淹

吳

縣人進士

丞相忠宣公前判太原府范純仁

吳縣

人進士

起居舍人前知潞州尹洙

河南人進士

參政文忠公前河東制置使歐陽修廬陵人進士

樞密副使孝肅公前轉運使包拯合肥人進士

知并州事李若谷徐州豐人

定國軍節度使知并州梁造東平人

知并州明鎬安丘人

知并州龐籍武城人

知并州薛昞

知太原府孫覽

知太原孫永趙郡人

知太原府呂公弼萊州人進士

參政前知太原府馮京江夏人進士

知太原府滕甫蘇州人

知并州陳堯佐閬中人

戶部侍郎知太原府張大節五臺人進士

知太原府烏古論德升

猛安人進士

元

太原路總管李德輝

潞縣人

國朝

征虜大將軍魏國公徐達

鳳陽人

征虜副將軍鄂國公常遇春

懷遠人

征虜副將軍曹國公李文忠

盱眙人

少保兵部尚書前巡撫山西兵部右侍

郎兼僉都御史于謙

錢塘人進士

山西按察使楊基

蘇州人

兵部尚書前山西按察司副使王驥

東

鹿人進士

吏部侍郎前山西布政司右叅政葉盛

崑山人進士

南京刑部尚書前巡撫山西右副都御

史張敷華

安福人進士

刑部尚書前巡撫山西右副都御史何

喬新

廣昌人進士

少師兼太子太師吏部尚書前巡按山

西監察御史馬文升 鈞州人進士

華盖殿大學士吏部尚書前山西按察

司提學僉事楊一清 巴陵人進士

山西按察司提學僉事楊文卿 鄞縣人

進士

南京工部尚書前山西按察司按察使

黃珂 遂寧人進士

南京戶部尚書前山西按察司提學僉

事王鴻儒 南陽人進士

兵部右侍郎前山西按察司提學副使

陳鳳梧 泰和人進士

都御史前山西按察司提學副使馬卿

林縣人進士

右都御史前知太原府劉文莊 真定人

進士

巡撫山西都御史王德明 清苑人進士

巡撫山西右僉都御史前布政司右叅

政孫繼曾 雲南人進士

以上俱載正祀考

山西監察御史宋纁

巡撫山西兵部侍郎兼都御史萬恭 南

昌人

提督學校山西按察司副使周斯盛

人

山西驛傳道副使郭斗 雲南人

大理寺卿前山西儲糧道叅政歷陞本

省左右布政使張夢鯉 山東萊陽人

巡撫山西右副都御史魏允貞 南樂人

巡按山西監察御史趙文炳 鉅鹿人

以上名宦新入者

太原府曲陽縣兩學廩增附生員公舉姓名

開後

王三顧 馬厚 周天德 李為圓

楊大復 李溥 王國祥 王之道

李株 夏禹德 劉果 楊楫

裴潤 王士奇 袁子清 李鳴岐

李希夔 裴鉉 陳民望 鄭材

傅之諭 王時隆 李友杜 蕭一科

虞廷臣 韓士元 劉士奇 萬實頴

李 楨 陳祚胤 冉 芳 雷聲高

李春雷 金 棟 趙民瞻 錢利用

裴 金 陳洪謨 杜正吉 劉世昌

于可久 曹光祖 劉士傑 張 旦

李紹先 張 志 李 胤 黃 裳

魏 國 張著銘 于自化 尚時彥

開封府為公舉名宦崇祀典慰輿情以端

化泐事萬曆三十四年二月十一日蒙

欽差提督學校河南等處提刑按察司副使梅

批批祥符縣知縣王復興申稱據省城五

所鄉約官蘭世馨萬一張銳等連名呈稱

夫國家之治本固莫重於祀典而甘棠之

遺愛豈終戕於人心竊照隆慶初年間開

封郡侯張公諱夢鯉由嘉靖丙辰進士履

任茲郡握篆四年歌興五袴勤於撫字篤  
於栽培刑期蒲鞭懽迎竹馬不下堂而士  
民稱便未期月而政教大行望淑氣於長  
河波無巨浪開暄霏於白日戶有春風泮  
水借清光喜今古斯文正印閭閻多惠政  
荷後先一路福星琴鶴相隨真無四知之  
愧杜召是媿民興父母之恩施藥施粥夷  
梁之疲瘡頓起開田鑿渠秦洧之水利復  
生脩學合重師儒一時之人文丕振  
強撫貧困四郊之雞犬無譁察民隱於秋  
毫布陽春於再造惠流遺愛愈久而思慕  
愈深歌詠甘棠益遠而感戴益切芳履映  
雪堂而皎潔何異古之召公高蹤并嵩岳  
以嶙峋不啻昔之衛武亟宜享祀以慰人  
心世馨等叨備鄉耆職司月旦敬採輿情  
敷陳下悃伏望仁恩鑒納愚誠俯賜轉申

查准入祀不惟血食之典不泯於已去之  
賢侯而仁愛之政益勵於將來之牧伯庶  
幾祀典正而人心之思慕不虛治本端而  
國運之熙隆再見等情具呈到縣據此又據  
本縣一百五十八里里老人等郭虎等連  
名呈爲公舉廉能追入明賢事據此隨該  
本縣王知縣看得先任郡侯張公秉性溫  
良丰姿純雅清按牘吏弊盡洗理繁郡邑  
凶獲蘇施藥活衆閭閻多沾實惠開罔極  
民夷梁廣布仁恩築堤沐雨櫛風救荒損  
資助賑兩河蒼赤翹首中州士庶歸心離  
任雖經年遠感恩婉然如在旣經公舉前  
來相應以禮崇祀合候詳示准將本公續  
入名宦之列但可否出自上裁卑縣未敢  
擅便等情具申本府照詳蒙批據詳誠屬  
公舉甚愜人心但崇祀重典最宜詳慎仰

縣行學履覈遵照學道條約候按臨日呈  
請定奪蒙此遵依行據本府儒學教授劉  
擢回稱查得先任本府知府張公當年在  
任襟懷月朗儀度嶽凝本慈祥豈弟之心  
敷寬裕溫平之政甄陶士類勸課農桑開  
渠開田起秦洧之水利施藥施粥甦夷衆  
之疲瘡有守志爲不棘不烈庶矣均爲模  
範

所臺交薦循良百度皆脩一塵不染追及  
陞任閭閻缺借寇之思今歷多年父老繫  
甘棠之想芳名彌遠宦業無前顧不得分  
半菽於宮墻何以慰寸忱於士庶况曾與  
先進風勵後人教化攸存典常所係俯查  
輿論再稽公平鄉約蘭世馨等與本縣田  
老郭虎等誠爲公舉准入名宦祠春秋奉  
祀庶昭公道以慰人心今奉行查理合具

實回報等情回呈到縣在此覆查相同今  
蒙前因擬合具由申稟等情具呈照詳蒙  
批張公去後之思沒世不忘其賢可知但  
事關大典不厭詳慎仰府查覆實跡以報  
蒙此已行祥符縣覆查去後今據該縣申  
稱行據該所鄉約蘭世馨等造寫本官實  
跡去後今據造送到縣覆查是的等情冊  
申到府據此該本府知府劉兆文看得本

青正直聰明俗流華而鎮之以  
觀表而影從政煩劇而處之以恬

亦而理解脩學校育英才特起弊

之壹事築堤堰活饑民乃禦災捍患

之大端照夷門一輪明月可追孝肅高踪  
朝天闕兩袖清風允踵歐陽芳躅田野繪  
象儼若生存招提木主足徵沒慕可謂年  
滿遠而思彌深事愈久而論愈定者也允

濶崇祀以慰人心既經該縣覆查冊報前來相應准從緣蒙批仰查報事理本府未敢擅便擬合具由呈稟爲此今將前項緣由同原來實跡文冊并原蒙批詳理合具呈伏乞

照詳施行須至冊者

右

呈

欽差提督學校河南按察司副使梅 批看得

本官器重珪璋办游盤錯勤民直接憇蒙之伯興學更同化蜀之翁賣龔渤海之刀徧郊樂土解龐漢陽之水徹底清心捍患恤災修廢舉墜一時多永賴之績沒世終不誼之思尸祝久徧閭閻祠祀允光俎豆仰府即脩神主用絲亭香案鼓樂躬親送入名宦祠照例安靈春秋崇祀以報德施用章祀典繳

開封府儒學享祀歷代名宦姓氏開後

計開

殷上公微子諱啓 宋人

鄭大夫子產諱僑 鄭州人

漢丞相平陽懿侯曹公諱叅 沛人

漢守御史大夫周公諱苛 沛人

漢太傅褒德侯卓公諱茂 宛人

漢將軍紀公諱信 滎陽人

漢潁川太守寇公諱恂

昌平人

漢淮陽太守汲公諱黯

漢人

漢中牟令曾公諱恭

扶風人

唐河南大都督張公諱巡

南陽人

唐荊州大都督許公諱遠

新城人

唐河南大總管萊國李武公諱勣

唐宰相裴公諱度

河東人

唐將軍雷公諱萬春

唐開封儀同三司南公諱霽雲

范陽人

宋樞密使魯國王公諱德用

宋開封呂正獻公諱公著

壽州人

宋開封尹范文正公諱仲淹

蘇州人

宋吏部侍郎兼開封尹李忠愍公諱若水

宋禮部侍郎王公諱曾

青州人

宋開封尹包孝肅公諱拯

廬州人

宋天章閣待制唐公諱介

江陵人

宋開封府推官范公諱鎮

華陽人

宋襄城令范公諱純仁

蘇州人

宋扶溝令程公諱顯

河南人

宋忠武軍節度使曹公諱彬

靈壽人

宋開封府尹歐陽文忠公諱修

廬陵人

宋東京留守觀文殿學士宗正寺卿公諱澤

汝州人

宋開封府推官蘇公諱軾

眉山

國朝河南左布政使年文定公諱富

鳳陽人

國朝河南按察使陳公諱選

臨海人

國朝河南巡撫大理寺卿于公諱謙

錢塘人

國朝開封府推官汪公諱一中

歙縣人

國朝河南左布政使孫公諱懋

慈利人

國朝河南提學副使國子監祭酒贈禮部

侍郎魏公諱校

崑山人

國朝大理寺卿前開封府知府張公諱夢

鯉

萊陽人

大理寺卿前開封府知府張公祀名宦祠

碑

公成嘉靖丙辰進士守尚書郎五年而尹開  
封爲開封三年而備兵靖邊以去凡十有  
三年而歷藩臬長開臬府順天官廷尉以失  
歡江陵相歸歸而有司用人材爲凡八上不  
起里居又十五年而逝逝且十年而梁父老  
及事公者叫號呼走謀于族曰孰河潤我三

十餘歲往矣至今受賜者其子弟卽不及事  
公徬徨憶恍而思公曰聞郡有張刺史者惠  
人也吾竹馬敝而新成婁矣寧終無來耶乃  
縉紳逢掖之士咨嗟焉咏歌焉曰吾汴自隆  
萬來蒞茲郡者無慮十數而月旦胡歸鄉校  
胡議也誰食之德能仁思者相率走白郡縣  
暨學使者以祠名宦請而先是公以郡上計  
遷靖邊去也梁父老一日而冀其還也還而  
不得私爲主祀于公祠者久會學使者報曰  
祀名宦可則梁父老子弟縉紳逢掖之士咸  
會聚拜舞相率而延主入祠祠禮成而不佞  
以有司執于事爲之嘆息流涕焉曰斯民也  
三代之所直道而行也予伏謁祠中自殷土  
公迄宋凡二十有九我

明六益以公三十有六人耳文武創守之列烈輝  
矣最著者爲曹平陽忠武以開國張許以節

裴晉公宗忠簡以功其以開封爲名刺史者  
呂張范包四君子不爲開封而名刺史者寇  
穎州及淮陽其爲相君而以開封名者范  
陽蘇眉山而

國家自年恭定而後迄莊渠先生其以開封祠  
者公一人而已夫人主所與共百姓者良二  
千石耳所爲消歎息愁恨之心安于田里惟  
是廉平不苛爲勝任然無樂乎貌籠而實違  
媚俗于初而久無以厭其意也彼以蠶食  
而汗處官及身而應且憎矣安所論云後世  
乎而梁父老所稱說張公晨起坐堂皇牘如  
山立鉤之無畱犴法隸人役不名籍者千餘  
無魚肉閭里藩室有闌出入扞罔者引繩繩  
之斷如也歲有羨邑有饒吏若長用故事嘗  
我譙呵去曰母溷乃公矣而若水旱若盜賊  
若里甲郵置一切條收而蘇節之至其強立

不反寧忤貴相母失良令若公者卽長孺  
肅比德何讓焉有是不難治兵有是不難維  
藩有是不難建牙畿地爲

天子執法誓不能忍尤攘詬媚時宰取榮也儼  
命與河東睢陽諸君子易地殉守有不貞然  
慨竒之業深堅之節者哉而竟里居十餘年  
以逝逝且若而年而梁父老子弟縉紳逢  
之七相率叫號呼走徬徨懷恍咨嗟咏歌

斬而得之俎豆間與諸君子相比肩也此乃  
三代之所直道而行而予爲之歎息流涕于  
我公者乎公名夢鯉字汝化山東萊陽人記  
公者爲開封尹劉兆文也時萬曆丁未三月  
三日

開封府知府劉兆文

同知鍾應麟 朱繼湯 王祈禎

通判宋兆祥 朱勤

推官馮曾楷

經歷陳可畏

知事王克昌

照磨薛應期

檢校陳奇

教授許汝試

訓導郭大同

王思智

黃奎光

周鳴謙

祥符縣知縣王復興

縣丞夏承舜

麻友椿

主簿吳時達

李芳鄰

典史陳一忠

教諭張崇文

訓導陳懋

夏宗魯

鄉約耆民蘭世馨

蘓應期

張弘道

吳道宗

黎汝舟

鄧宗實

陳進忠

閻合

姚林

楊鈞

張曉

侯祿

秦海

萬合

樊應元

張斗中

郭廷魁

梁舟

蔡枚

范守時

張寅

登州府為公舉鄉賢以昭功德以勵風化  
事萬曆二十八年正月十四日蒙

欽差提督學校山東等處提刑按察司僉事劉  
批據本府呈前事據萊陽縣申准本縣儒  
學牒呈據本學廩增附生員蓋玄齡李綺  
譚仲頊等呈稱切照本縣已故鄉宦大理  
寺卿前巡撫順天甘肅右副都御史張夢  
鯉由嘉靖丙辰進士性資端謹德業粹明

胸涵玉鑑冰壺心皦青天白日自通籍以  
來隨試輒效由郎署而出所至有聲守大  
梁而脩荒之條撫臺刊布至於今猶有餘  
思憲關陝而貢市之畫總督受成當是時  
累蒙

欽賞革去大戶編設櫃頭各省之官民稱便然  
實其叅藩山右所創立之規履任三月銷  
號六百累年之沉閣一清益徵其觀察江  
西所立見之績全晉之轄踐更左右則諸  
郡賦役之冊咸其手裁於是符科議而蒙

俞旨節省將鉅萬有餘順天之撫兼用恩威則  
逼關駕騫之首勦於躬戰以故賞六懋而  
俸再躋保障且百年未艾及晉登棘寺期  
月而滯獄頓清乃觸忤權臣屢疏而移疾  
決去自後鏟光杜德旋馬之廳事常閒養  
重掩關羅雀之門庭日寂惟是詩禮有誨

肆嗣人不隕其名若夫竿牘無聞即大吏罕識其面大侵捐踊貴之粟里閭活濟者數萬人力請蠲不急之徵士民感誦者如一口至於廉若由夷取予嚴於一介行同曾史直氣凌乎萬人跬步悉蹈準繩終其身如一日寢處不媿衾影凡有事必告天遠邇鄉人咸為愛敬中表疏屬永無間言夢瓊易篋里巷為之罷春瘞玉新阡吊送為之空國故今沒世名稱蓋棺論定禮官採行業亟議加恩

主上卹勲勞用頒特典冬卿營葬內帑頒金彤管擣詞上方製如公者允文允武有權有經信孚聖真有功名教大猷用世則勒旂常垂竹帛固三朝勲舊之臣猷行違時則觸新鄭抗江陵尤一代端亮之士故縷指其歷履如司錢穀飾甲兵踐藩臬筦鎖

鑰職明弼總之為大受尚論其品流則周  
方叔漢釋之楊關西郭汾陽范老子合而  
為一人者也夫典禮秩於

朝廷已備榮哀之罷行誼欽於月旦宜隆俎  
豆之儀呈乞博採輿論亟祀鄉賢庶崇德  
報功先哲藉以不朽而高山景行後進由  
此嚮風矣等情具呈到學據此看得鄉宦  
大理寺卿張夢鯉清標範世偉畧經邦起  
兵曹而領郡大著賢聲迨藩臬而建牙益  
隆懋勩晉秩理卿持平國憲禮屈權相信  
維直道而事人養重林泉允矣清時之高  
士終身論定潛德益彰沒世名稱醇儒無  
愧誠宜亟舉鄉賢用垂士範等因牒呈到  
縣覆行該學及里隣各覈查勘結相同據  
此看得本宦宦業既明鄉評尤為推  
重道德聞望操行准諸聖賢辭受取予大

節凜於冰蘖 高林壑人擬龍門惠洽里  
閭心非兔窟生而活濟者百千衆感頌之  
口徵於士民沒而弔送者億萬人讚念之  
聲徹於原野群心允協公道以昭况勞績  
著於邊陲

恩頒葬祭而殄瘁哀於邦國思繫儀型俎宮請  
祀益卜輿情鉅典旌賢有禔世教允宜入  
祀鄉賢以快公論等因申詳到府據此惟

恐不的隨復批行縣再查結報今據回稱  
績准該學牒呈覆查得原任大理寺卿張  
夢鯉弱冠通籍歷官三十餘年善政遺澤  
在在可紀其鎖鑰薊門茂著軍功修守之  
蹟萬年保障特蒙

卹勞加恩尤為顯灼至於居鄉姦節遠邇之人  
無不感頌有稱其自髫年以迄今日一步  
履必蹈規矩褻慢之容終其身不少見者

有稱其與人和易無忤鄉人無大小待之  
有均禮者有稱其清白自甘不牟債利不  
競力雖毫無以侵損於人者有稱其屏處  
亭山非公事不見邑宰請謁之書絕跡公  
門者有稱其聚族衆數百人周卹保棊無  
一離散凶年捐粟賑貧至數百石縣為之  
表石大門者有稱其天性孝友喪葬祭祀  
必以禮捐腴產付異母弟育之成立者諸  
如此類未易枚舉身沒之日無論識與不  
識莫不哀弔及葬之日送者觀者數萬人  
悲感讚念聲徹原野此尤足驗群情之共  
與鄉論之素孚者矣伏讀

諭祭文內有朝鬱經綸之望鄉推表正之賢本  
官德業著明人品高潔此可概見亟宜入  
祀以快人心以淑風教中間并無扶同等  
情今覆取官吏師生里隣甘結申乞轉達

回申到府據案照先奉

欽差提督學校山東等處提刑按察司僉事劉  
條約內開名宦鄉賢孝子節婦鄉飲賓介  
皆

國家勸賢盛典年來保舉大率學官興學霸  
為市偏徇通顯旁採游揚潛德隱行湮滅  
罔聞此後名賢非歲久論定者不得請祀  
節孝非終身無玷者不得請旌輿論既孚

許通邑公舉州縣查覈申府覆確詳道定  
奪不許師生徑行薦舉蒙此遵行在卷今  
據前因覆覈無異看得萊陽縣申舉已故  
鄉宦原任大理寺卿前巡撫順天甘肅都  
察院右副都御史張夢鯉才猷夙著行誼  
足稱內外之邊歷有聲家邦之物論攸屬  
况思慕益深於拱木而

絲綸既渙於蓋棺允宜從祀宮墻以為士民

師表緣係公舉鄉賢事理本府未敢擅專  
 等因具呈照詳蒙此據申本宦清操偉勳  
 允當大典但論定事久不嫌詳慎仰府覆  
 確報奪蒙此行據該縣回稱本縣遵依行  
 准儒學牒呈結稱本宦歷官三十餘年為  
 國忘家為公忘私懋績薊門游登棘寺值  
 江陵執政觸忤不合奉身而退譚者謂有  
 大臣之節且里居廿年薦疏八上而棲心

林壑絕意軒冕尺書問謁不入都門人尤  
 高之至於砥節礪行表率鄉閭彌久彌真  
 而月旦共推亦彌久彌重以故蓋棺而  
 朝論已定沒世而令名益稱朝望鄉賢

思綸是褒崇德秩祀輿情允協者也再經核查  
 委屬真確亟宜從祀學宮以快人心以風  
 後進等因到縣覆勘相同取具師生里隣  
 不扶結狀申乞轉達緣由到府據此覆覈

本宦官績御評卓然

昭代既孚輿論合祀澤宮緣係奉批覆確報  
奪事理本府未敢擅專等因具呈覆詳蒙  
批訪得本宦秉德宣猷歷已彰於仕路  
息機養致操持更重乎鄉評用樹風聲宜  
膺大典仰府行縣置主入祠繳蒙此擬合  
就行為此帖仰本縣官吏照依批詳帖文  
內事理即將呈詳批允入祀已故鄉賢原

任大理寺卿前巡撫順天甘肅右副都御  
史張夢鯉置主擇吉迎入鄉賢祠速具選  
行過緣由申府以憑轉報施行須至帖者

續醫公秘

九



